

SPRITZER + FUHRMANN



Diario pa



Aruba



GEZAGHEBBER INTERINO A DUNA CASIBARI Y BECINDARIO ELECTRICIDAD

Deputado Tromp: Precio di electricidad mester baha'

ORANJESTAD — Door di primi un knop-ri riba un palu di luz, nobo nobo mei mei den cunucu di Casibari, gezaghebber interino sr. I. S. de Cuba a conecta diarazon atardi u.p. e electricidad di e distrito Casibari, Seru Lopez y un parti di Seru Pita y Tamarijn. Tabata un momento importante pa e habitantes di e distrito ei. Entre esun-

nan cu a tuma palabra durante e solemnidad tambe tabata deputado F. J. Tromp, cu den su discurso entre otro a observa cu B.C. na debido ora lo sinta atrobe cu e directiva di O.G.E.M. na mesa pa delibera riba e bahamentu di e precio di electricidad pa Aruba.

cu a presencia e solemnidad entre cual nos a ripara deputado F. Wernet, secretario di eilandgebied L.C. Kerstens, e vice presidente di Staten O-baldo Croes, y e miembronan di Staten E. Vinck, y J. Erasmus, y tambe diferente funcionarionan di Dienst, Openbare Werken y E.L.M.A.R. e.o. ir. F. Boot a drenta den autonon y sali pa „Olde Molen" pa tuma un brindis di E.L.M.A.R.

Mientras tanto segun nchi tabata sera e luznan di color na Casibari, Seru Lopez, Seru Pita y Tamarijn a sali mas cla. E poblacion di e luganan aki tabata realizando nan mes cu por fin inon por disfruta di comodidadnan di electricidad den nan cas.

Cu orgullo sr. F. D. Looman, director di Elmar a muestra riba e facto cu su compania ya tin un ventaha grandi riba e plan original di tres anja pa electrificacion di Aruba. El a memoria con tempu pasa B.C. tabatin deseo pa duna tur cas na Aruba electricidad y con E.L.M.A.R. despues di un periodo di deliberacionnan cu B.C. a presenta un plan di tres anja cu Eilandsraad a aproba.

E contract cu e eilandgebied a worde sera dia 7 di december 1961 y esaki tabata contene cu despues di un periodo di preparacion di 8 luna e plan di tres anja lo cuminsa.

Aunque E.L.M.A.R. segun e contract mester a cuminsa riba dia 7 di Augustus 1962 cu e trabao, e compania aki a logra pa cuminsa prome, esta dia 23 di juli di e anja aki e prome distrito Bluemont y becindario a worde electrifica. Awor dia 31 di october e di dos distrito grandi tabata cla pa electrificacion.

Cu e instalacion solemne na Bluemont no a tuma luga riba dia 23 di juli tabata pa causa di e fallecimiento di ministro J. E. Fransquin poco tempu prome. E.L.M.A.R. su directiva a hanja cu tabata mihó pa spera te cu un siguiente distrito bini cla.

2.400 palu di luz necesario

Sr. Looman a participa cu en relacion cu e plan di tres anja 700 cas lo hanja electricidad, pa local ta nece-

sario na material so: 80.000 kilo di koper, 2.400 palu di luz, 5.000 isolator pa tension haltu, 60 kilometer di waja pa tension haltu y 80 kilometer pa tension abao. Despues di gradici B.C. y Eilandsraad pa e confianza den E.L.M.A.R. sr. Looman a invita sr. Gezaghebber interino De Cuba pa primi e knoppi.

FATUM — Tel.: 1845
pa tur bo asegurado

Primimentu di e knoppi

Esaki sr. De Cuba a haci cu mucho gusto. Despues di e gradici e directiva y e personal di E.L.M.A.R. pa e trabao duro y di e felicitacion e poblacion cu e momento aki tan importante pa tur sr. De Cuba a primi e knoppi. Di biah tur e luznan chikiti cu a worde instala na e wajan nan nobo den e distrito a cende local como ja solo tabata baha a keda un bistia masha bonita.

Tarivanon mas abao

E anuncio cu B.C. kier delibera tocante e bahamentu di e tarivanon a bini na ultimo di e discurso di deputado Tromp. El a cuminsa muestra riba e gran importancia di electrificacion di Aruba den e distritonan afor caminda hopi hende ta usa lampi di kerosin y bala ainda. Gracias na e facto cu B.C. y E.L.M.A.R. a dieidi cu un tal situacion no por existi den un mundo mo-

derno y cu no por a spera cu e poblacion lo progresa si nan mester sinta den scur anochi, e plan di tres anja a worde traha. Tabatin hopi problema pa tur dos partida pero al fin nan a resolbe tur cos. E problema mas grandi tabata e asunto di finanzas como Elmar na principio no tabatin hopi gana pa pone electricidad pa poco cas cu tabata keda hopi leu. Esaki tabata mucho gasho pa nan. Pero e problema aki a worde resolbe como Eilandsraad a tuma e gastonan adicional pa su cuenta. Bestuurs College cu semper tin preocupacion cu e necesidatnan di e poblacion y pa e motibo aki a traha e plan di tres anja tabata masha satisfeco cu e forma rapido di e trabao di Elmar. „Pero e tarivanon" segun e deputado „esei ainda nos tin cu papia seriamente riba dje".

Ya nochi tabata sera ora cu e grupo

LAGO TA PONE ENFASIS Ariba COOPERACION DI EMPLADONAN PA MEDIDAS DI SEGURIDAD

SAN NICOLAS, 2 nov. — Un anuncio publica e siman aki ta bisa cu Lago Oil & Transport Co., Ltd. ta tuma varios medida pa aumenta seguridad den su empresa. Otro posibilidadnan ta den preparacion. E pasonan aki a worde tuma como resultado di accionnan di sabotaje contra cuatro instalacionnan di transformer di Compania Creole den becindario di Lago Maracaibo. Dos di e substationnan a worde destrui completamente, di tres a keda hopi danja y di cuatro a ricibi danjo menor.

Den un anuncio dirigi na tur empleadonan october 31, Lago a expresa cu conviccion firme cu e mehor defensa di Lago ta keda den e lealtad y vigilancia di su empleadonan. „Nos empleadonan", asina Gerente General F. C. Donovan a bisa, „ta representa un ayudo superior pa seguridad di nan companjeronan di trabao y pa seguridad di instalacionnan y operacion di refinaria."

E declaracion ta pone enfasis ariba importancia di e hecho cu cada empleado mester ta alerto pa personanan desconoci, accionnan of situacionnan stranjo of pa cualkier cos cu ta extraordinario. Cualkier persona cu observa algo di e naturaleza aki, mester reporta esey inmediatamente na un supervisor of na Lago Police Department.

SWIFT

ROAST BEEF
Caril cuidadosamente selecta, sin weso y sin manteca. E tin un sabor exquisito, ta na plato masha gusta na Aruba.

Agente: **WIMCO**

MARIACHI ARUBA PA CORROW

ORANJESTAD, 2 nov. — Venidero wekend Mariachi di Aruba lo bai Corrow, afin di duna funcion aya na Theater Cinelandia y TeleCuracao. E grupo musical cu ta ser acompaña pa manager L. Overloot, lo sali Aruba dialomingo mainta pa 9.30 y lo regresa dialuna mainta trobe. Cu esaki ta di guater bez caba cu Mariachi Aruba ta bai duna funcion na Corrow.

CASA HAIME N.V. INSTALA

ORANJESTAD — A worde instala door di srs. Chaim Wolf Gottfried, Isaak Gottfried, y Lucien Hirschberg e firma Casa Haime N.V. E capital di e firma ta fl. 500.000,— di cual na e instalacion a worde deposita fl. 350.000,—. Sr. C. W. Gottfried a tuma parti pa fl. 348.000,— y e dos otro participante cada uno fl. 1.000,—. E firma di Haime Gottfried cu esaki a bira un N.V.

COMPETITIE A.V.B.

Avenochi pa 7.30 den **WILHELMINA STADION**

RIVERPLATE vs. JONG ARUBA
(HOOPDKLASSE)

TRIBUNA PABAU FL. 1.—

TRIBUNA PARIBA FL. 0.75

Pa mucha tin lugar tras di goal pa FL. 0.25



Portret exterior dje synagoga nobo na Aruba cu lo ser consagra riba dia 4 di november.

VICTIMA MORTAL DI TRAFICO

(Di nos corr. di Corsow)

WILLEMSTAD, 2 nov. — A muri ajera tardi den hospital Sta. Elisabeth un muhe di 83 anja, cu a hanja un accidente di trafico e mes atardi cu un bus banda di Postkantoor na Corsow. Cu esun aqui e total di victimanan mortal di trafico a bira 14 e anja aki.

E muhe a hanja accidente cu un bus AC ora cu e kier a cruza camina di trafico.

LANSAMENTU DI SATELITE ANNA

CABO CANAVERAL — Diarazon mainta Cabo Canaveral a lansa e satelite Anna. E satelite aki cu ta contene instrumentonan pa traha un mapa mundial mas preciso tin cuater luz abordo cu ta manda signal. Cameranan di e estacionnan rond mundo lo traha portret di e signalnan aki, door di cual e superficie di terra y e fuerza magnetico por worde calcula cu un precision ainda no conoci.

Tan pronto cu e luga di e satelite worde determina — y esei lo dura mas o menos tres dia — e luznan cu ta cende paga y cu tin un forza di diez mil watt lo worde poni pa traha. Cu tempu bon lo nor mira e satelite aki pa medio di un telescopio chikito of verrekijker. E satelite Anna ta un producto di cooperacion di ehercito mericano, marina y forza aerea mericano, y tambe e oficina di vuelonan espacial, a worde lansa cu ayudo di un raket Thor Able. E lo haci orbita rond mundo cada 108 minuut rimundo.

MISS HULANDA PA ELECCION DI MISS MUNDO

SCHIPHOL, 2 nov. Ayera mainta Miss Hulanda, Rina Leders di 20 anja foi Haarlem a sali foi Schiphol pa Londen. Huntu cu e otro 53 participante nan e lo trata di ta ajaminan y mulier di mas bonita di mundo.

Foi awe te dia ochi di november nan lo tene eleccionnan na Waldorf Hotel na Londen pa elgi Miss Mundo.

20 ANJA PA SECUESTRA-DORNAN DI PEUGEOT

PARIS — E ultimo dia di e proceso contra di Larcher y Rolland cu a secuestra Eric Peugeot dos anja pasa e dos abogado nan di e familia Peugeot a exigí un castigo di binti anja di prison, e castigo maximo pa secuestro contra di e dos culpablenan.

E INSPECCION NA CUBA

NEW YORK, 2 nov. — Oe Thant, e secretario general interino di Nacionnan Uni, tin bon speranza cu otro siman nan lo admitti observadornan di Nacionnan Uni na Cuba pa controla e desmontaje y retiro di e instalacionnan Ruso di raket na e isla.

Fuente nan autorisa a bisa, cu e hefe di Nacionnan Uni no a perde animo door di e fracaso di su intencion na Havana. Oe Thant tin speranza di haya acuerdo inmediato pa posiciona algun inspector di Nacionnan uni na e base nan di raket.

Di fuente nan bon na altura ta bini e noticia, cu Koznetsov, e prome segundo minister Ruso di Exterior, cu ta atendiendo e kestion di Cuba na New York, parece a laga ripara, cu Union Sovietica lo no permiti inspeccion prime cu nan caba di desmonta e instalacionnan di raket.

INDIA Y PAKISTAN

RAWALPADI, 2 nov. — Un portavoz di gobierno di Pakistan a declara, cu e trupanen cu India tin banda di frontera di Pakistan, a aumenta na lugar di mengua, aunque cu India tin mester di nan na frontera cu China.

Papiando tocante noticianan for di Nieuw Delhi, cu India a retira algun trupa for di e frontera cu West Pakistan, e portavoz a bisa cu algun departamento di infanteria y otro unidatnan ta ta arma cu armanan liber a retira for di frontera cu Pakistan, pero cu nan

a reemplaza eseynan door di unidatnan cu tin armanan mas pisa for di otro partinan di India.

Tocante menguacion di e tension entre India y Pakistan, e portavoz di Pakistan a bisa cu no a bini ningun cambio den e relacion entre e dos paisnan.

DR. ABDOH SERCA MINISTER LUNS

DEN HAAG, 2 nov. — E administrador di Nacionnan Uni pa Nieuw Guinea, dr. Djafal Abdo, a combersa ayera tardi mas di un ora cu e minister Hulandes di asuntunan Exterior, mr. Luns.

Segun informenan e dos hombernan di eslado a papia tocante e ehecucion di e acuerdo entre Hulanda e Indonesia tocante Nieuw Guinea.

UNION ENTRE EGYPTO Y JEMEN

SANAA, 2 nov. — Un union completo entre Egipto y Jemen ta inevitable, y pa esey mester reforsa e lazonan estrecho cu tin entre e dos paisnan, asina e president nobo di e republica di Jemen, general Sallal, a bisa ayera.

Sallal a pone esaki na conocemento di e hefe di e agencia di prensa pa Mediano Oriente na Sanaa.



E invierno di Finlandia oparentemente a cuminsa tempran e anja aki. Na noord dje luga e temperaturanan a ter midi te 16 grado bao di cerro. Na Helsinki e prome nieve a cai.




Na december di 1942 un bombero ingles Lancaster a bin basha 'bao quimando den Volewijckpark na Amsterdam-Noord. Durante actividadnan di cobamentu pa IJ-tunnel nan a bin contra cu restonan dje avion. Riba e portret nos ta mira com un as di motor a ser saca foi e buracu cu propellor.

12 signos tallados como diamantes...

Zodiac

SERVICIO MUNDIAL EN 65 PAISES



OBRERONAN ANTILLANO PA INDUSTRIAMAN HULANDES

SHELL CURACAO N.V. en cooperacion cu Departamento di Asuntonan Social na Corsow ta haci un yamamento na

Jóvennan Antillano

pa ser coloca cerca Shell Nederland Raffinaderij N.V. (Pernis) y otra Industrianan Holandes.

Exigencianan: edad minimo 21 aña soltero
ensenansa: preferentemente diploma L.T.S. (ambachtschool) of un preparacion equivalente.

Sollicitacionnan scribi na man cu detallnan tocante educacion y experiencia practico mester ser dirigi na: SHELL CURACAO N.V. Departamento PP.

Selecion y examen medico ser atende pa Shell Curacao N.V.

Een perfecte taille

DANK ZIJ DE **Kleinert's**
SLIMDERELLA WAIST-IN



De laatste mode schrijft een perfecte taille voor. Die kunt U krijgen, dank zij een Kleinert's Slimderella Waist-in korset. Geheel vervaardigd van Solite, een nieuwe elastische koele stof. Verkrijgbaar in maten van 22 tot 36. In prachtige, flatteus wit.

Verkrijgbaar bij alle betere zaken.

Kleinert's HOUDT UW FIGUUR JONG.

Reeds 91 jaar een wereldnaam op het gebied van speciaal damesondergoed.

AVISA DEN ARUBAANSE COURANT

De Veer's theaters ta presenta:

THE GREATEST SHOW ON EARTH

ORANJESTAD, 2 nov. — E weekend aki De Veer Theater ta eminsa cu presentacion di un di e peliculan mas espectacular di e anja aki. "The Greatest Show on Earth" ta un pelicula di Cecil B. de Mille, cu ya tin su fama como director di gran espectaculonan. Eran aki a worde traha en combinacion cu e circo mas popular di Merca esta Ringling Bros-Barnum & Bailey. Tambe tin un coleccion di estrellanan famoso manera Betty Hutton, Cornel Wilde, Charlton Heston, Dorothy Lamour, Gloria Grahame, James Stewart y otros.

E pelicula aki a gana un Academy Award como mihor pelicula di anja. Trahamien to di e pelicula ta a tuma mas cu un millon ora di trabao. E tabatin como 40 diferente nacionalidad trahando huntu. Ta interesante pa sa cu De Mille a laga tur e artistanan mas hasi e actonan peligroso riba trapeze sin usa otro personanan profesional. Naturalmente esaki a existi hopi entrenamien to di e estrellanan di Hollywood. De Mille a logra di expone e bida di circo di un manera muestal, y e pelicula aki siguramien to ta algo excepcional den ramo di diversion. "The Greatest Show on Earth" ta worde presenta na De Veer Theater dia 3, 4 y 5 di november. Na Principal dia 11, 12 y 13 di november, na Savaneta dia 16 y 17 di november y na Acuria dia 24 y 25 di november.

Na tur e presentacionnan aki muchanan ta admira. Tur e actonan di e circo ta real manera nan a worde presenta pa e publico na Merca. Tin varios clase di animal cu ta tuma parti den e espectacular aki manera leon, tiger, makaku, elefante, cabai etc. E persona-

nanan cu lo presencia e gran pelicula aki lo hania e sensacion manera nan mes ta presente den e circo.

James Stewart ta hunga e papel di payaso di un forma sublime. Ningua hende lo pensa cu ta e actor aki ta actua e parti di e payaso comico.

Betty Hutton a practica e diferente chereccionnan riba trapeze luna largu prome cu e por a hasi nan.

Gloria Grahame ta pasa un ratu masha espantoso cu e elefantenan.

Cornel Wilde ta seapa morto diferente biha den aire y varios otro sorpresa mas.

INVERSION NA AMERICA LATINO

NEW YORK, 2 nov. — Probablemente nan lo tin na America Latino di deficit serio na capital di inversion si nan no realisa un huida di placa di paisnan di Zuid y Central America, asina un funcionario di departamento internacional di "U.S. Rubber Company" a declara.

Albert E. Denari, jefe di "Western Division" di e compania, a bisa na su regreso di bishita na e otro empresanan ruman di e compania cu ta na Colombia y Venezuela, cu placa ta keda sali foy Latino Americano y den un periodo cu tin hopi necesidad.

Denari a declara, cu ta imposibel, pa haci uso di e forzan di trabao disponibel, y materias primas, si e inversionnan mericano na Latino America baha.

ULBRICHT NA MOSCU

MOSCU, 2 nov. — Walter Ulbricht secretario di partido socialista di Alemania Oost y president di e consoho di Alemania Oost di estado, a yega Moscu awe, como lider di un delegacion di partido, asina Tass a anuncia.

Nan no a anuncia fin di e bishita.

THE BEST nourishment for the money

No other Cereal Costs so little, gives so much



QUAKER OATS

CISCO KID presenta pa cortesia di ARUBA BOTTLING COMPANY e promer fabrica di refresco na Aruba, cu e produccionnan mas gusta y mas pidí. NESBITTS e refresco sin igual.

1. „Senior Leon ta un caballero perfecto... E ta interesa den educacion di e muchanan!" 2. „Senjorita, bo no ta un bob! Pronto lo bo conoce „Leon" di verdad! Mientras tanto cuidabo bon!" 3. „Bueno laganos ham conoce bo jefel Guia nos!"



PEPITA

po cortesia di **Antillian Hardware Co**
Bo mehor adres pa HERMENT Y TUR MATERIAL DI CONSTRUCCION!

1. „Mi ta quere cu mi no tin cambio di un dollar." „Ami tampoco, sr. Gonzales." 2. „Lorenzo generalmente sa tin cambio." 3. „Asina ta basta." 4. „Danki. Lo mi paga bo majan."



YABI

pa bo éxito !

Awor ZAPATO di cuero

Tambe nos ta tinja den cualquier color - mientras bo ta warda!

Nos ta tinja bo sapato of sif of cuero of satin of di otro material, den cualquier color na bo deseo, pa solamente fl. 1.25.

PA-MAS INFORMACION JAMA OF BISHITA

La Linda

FRESH UP with

awar embotella na

VICTORIA BOTTLING CO.

PA UN BON TREAT

ARUBA TRADING CO.

NOBO NOBO NOBO

Nassaustraat No. 34

Nos a caba di ricibi tur clase di tela precioso y exclusivo pa dianan di Pascu. E surtido mas bunita di panja pa cortina. Katuna nobo, drip-dry den un variacion grandi di color y disenjo.

A caba di jega

SET DI COMEDOR SET DI CAMBER

den estilo moderno (teakhout).

Tambe mesa los na prijsnan masha atractivo.

Pa muebles duradero e adres ta **MESKER ARUBA N.V.**

COMUNISTANAN DI INDIA CONTRA CHINA

NUEVA DELHI, 2 nov. — Consejo nacional di e partido comunista na India, a acepta ajera despues di un reunion di urgencia di dos dia un resolusion den cual nan ta acusa China di agresion door di penetra den frontera internacional. E consoho ta di acuerdo cu exigencia di India, cu trupanan chinas banda di frontera mester retira pa puestonan cu nan tabatin prome cu dia ocho di september, prome cu nan por delibera.

Na cumintamentu di october e comite central di e partido comunista a reconoci e frontera McMahon como e frontera di e territorio noordost, despues cu Union Sovietica a bisa cu frontera aki ta marca pa imperialistanan.

Na un reunion di e consoho tabatin chicaneria exita di partidarianon pa e consoho bista di India y partidarianan i Pekina.

Demonstrantenan a cende un oficina di partid na Nueva Delhi na candela. A muri na e incendio aki tres comunista.

PARCE CU PILOTONAN MERICANO A PERDE RIBA CUBA

KEY WEST, 2 nov. — Na Florida tin rumornan ta circula, cu dos piloto mericano cu tabata haciendo vuelonan di inspeccion riba Cuba, ta worde perdi. Fuentesnan oficial na Key West no kier a confirma ni desmenti e noticia aqui.

E LUCHANAN NA JEMEN

Radio-Amman a anuncia cu e trupanan monarquista a retira un ataque revolucionario riba nan posicionnan na Aljoff. Sescenta revolucionario a muri y nan a cohe 45 presu.

RUSONAN A LANSAR SATELITE PA MARS

MOSCU, 2 nov. — Ajera Rusia a lansa un satelite pa e planeta Mars, asina e agencia ruso di noticia Tass a anuncia.

Esaki ta di prome biha cu un raket ta worde lansa pa Mars. Un raket grandi a pone un satelite pisa den orbita rond di mundu for di cual nan lo lansa e satelite pa Mars. Den e satelite tin un stacion automatico interplanetario, cu nan a duna nomber di „Mars 1".

DELIBERACIONNAN DEN MEDIANO ORIENTE

Jordania y Saeedi Arabia lo continua nan politica di unidad y cooperacion, asina ta para den un comunicado, cu ambos pais a saka despues di deliberacion. Na e deliberacionnan aki nan a bira di acuerdo, tocante cooperacion riba terreno politico, militar, economico y cultural.

KERSTBOOM di ALUMINIUM

ALGO NOBO, ALGO FORMIDABLE

Despues di pascu, bo ta warda e otro pascu!

mas moderna, e ta un decoracion apart pa bo cas, e na ta kima, e no ta susha vloer, e tin su stand. E ta bini den diferente tamajo.

Bin weita nan awe mes na **ACME STORE**

SAN NICOLAS - TEL. 5381 - 5384

AWOR BO POR CUMPRAR REFRIGERADORA MARCA "ELECTROLUX" di corriente

Gasta menos corriente y ta fria mucho miha!

Di f350.— cash pa'riba

ARUBA TRADING CO.

GRAN FACILIDAD DI PAGO



Nos ta mira aki dos bista di e desarollo di situacionnan rond di Cuba. Ariba: e ministro ruso Andrei Gromyko, rondona di periodistanan fotografia na ora di su partida di Washington pa Alemania Oriental. Abao: un numero di muheran di militarnan mericano na Cuba ya a evacua foi e base mericano Guantanamo na Cuba. Aki nos ta mira algun di nan, mientras despues di vuelo nan ta sosesa un ratu riba un banki den edificio di e stacion na un aeropuertu aindi aki.

Zodiac
the name for automatic watches
An Official Watch of Swiss Federal Railways

agent
in Aruba



KAN n.v.

AGENDA

Imprimi na N.V. Drukkerij „De Stad“
Theatersstraat 11, Willemstad
Edición suelta oponible na 20 cent na
Mariska, Oranjestad y Cabana Shop
Union Stars, San Nicolas

Edici na
N.V. ARUBAANSE DRUKKERIJ EN
UITGEVERIJ EN PUBLICITEITS MID.
Nassaustraat 45, Oranjestad, Aruba N.A.

ARUBAANSE COURANT
diariamente cu excepcion di
diadomingo.
Suscripcion / 3.25 paga adelantado
Edición suelta 20 ct.

Telefon 2116 Redaccion y suscripcion
1116 Distribucion y anuncio
Director-hoofdredacteur: D. Wolff

CINE

Diabierne 2 di november 1962
DE VEER: 8.30 or „Quai Notre Dame“ 18 j.
RIALTO: 8.00 or „Tarzan and the leopard woman“ A.L.
PRINCIPAL: 8.00 or „The mask“ 18 j.
AURORA: 8.00 or „Zorro rides again“ A.L.
SAVANETA: 8.00 or „The house of the seven hawks“ 18 j.

BOTICANAN DI WARD

Oranjestad: BOTICA ARUBA, tel. 1081
San Nicolas: BOTICA CENTRAL, tel. 5006

WIT-GELE KRUIS

Oranjestad: Dr. Ewald, Santa Cruz, Dr. Ludovic
Hospital San Pedro di Verona tel. 200

PARTERA

Dr. Th. E. Gibbs, J.G. Emsstraat 78
Oranjestad, tel. 1355

HORNAC e verf di calidad! J.E.P. CABENDA

POSTSLUITING Vrijdag

Anguilla 15.30, Antigua 14.00, Argentina 15.30, Canal Zone 14.00, Chile 14.00, CO
Lombia 15.30, Barranquilla 14.00, Bogota 15.30, Costa Rica 14.00, Cuba 10.00, Curacao 8.00,
16.00, Ecuador 14.00, El Salvador 15.30, Europa (Azis-Afrika) 15.30, Fr. Guiana
EUROPA (Azis-Afrika) 15.30, Fr. Guiana 15.30, Guadeloupe 15.30, Guatemala 15.30, Haiti 15.30, Honduras 15.30, Br. Honduras
Jamaica 10.00, Martinique 15.30, Mexico 10.00, Montserrat 15.30, U.S.A.: Miami
Fla. 16.00, (Azis-Afrika-Australia) New York 8.00-18.30, New Orleans, La. 15.30, Nevis
Nicaragua 15.30, Panama 15.30, Paraguay 14.00, Peru 15.30, Puerto Rico 15.30, Rep. Dominicana 15.30, St. Kitts 15.30, St. Maarten 15.30, Suriname 15.30, Trinidad 15.30, Uruguay 14.00, VENEZUELA: Caracas 15.30, Maracaibo 15.30, Virginia Eiland 15.30

Atencion: Cerramiento di piazanan certi-
fica ta un ora prome cu di post.
14.00, Bolivia 14.00, Benale 16.00, Bra-
zil 14.00, Br. Guiana 15.30, Canada 8.00-

RADIO KELKBOOM

Diabierne 2 di november 1962

8.02 Selección musical cu discorun
Latino Americano
8.30 Cumpleaños Feliz
9.00 Peticion Musical Pa Telefono
10.15 Musica Varie
10.30 Programa Comercial
11.00 Musica Norte Americana
11.15 Musica Antillana
11.30 Musica Varie
12.05 Noche Local
12.20 Musica Europeo
12.30 Nieuws in het Nederlands
12.45 Musica Norte Americana
12.55 News in a Nutshell
1.00 Musica Varie
1.30 Mel ora cu boleros
2.00 Noticiario Musical Gamma
2.30 Melodias Instrumental
3.00 Cha Cha Cha
3.15 Merengues
3.30 Calypso
3.45 Nos Artista Invita
4.00 Musica a sabor Azteca
4.30 Noche Local
4.45 Cocktail Musical
5.00 Danzones Cubanos
5.15 Musica Varie
6.00 Noche Deportiva
6.15 Intermedio Musical
6.30 Musica para la Cena
6.40 Noche Internacional
7.15 Musica Europeo
7.45 Nieuws in het Nederlands
8.00 Musica Norte Americana
8.15 Noche (Estrella)
8.30 Musica Varie
9.15 Hit Internacional
9.45 Variacion Musical
10.00 Sluiting

RADIO VICTORIA

Diabierne 2 di november 1962

9.00 Apertura
9.05 Ultimas Noticias
9.15 E. B. H. H. H.
9.30 Mundo Femenino
9.45 Cantancin di Evangelio
10.00 World News
10.10 Hymn of the Day
10.15 Radio Revival
10.45 Organ Melodies
11.00 Stories of Great Christians
11.15 Noche
11.30 Melodias de Merida
12.00 Ultimas Noticias
12.15 Musica Sagrada
12.30 World News
12.45 Quiet Time
1.00 Radio Concert Hall
2.00 Reading Room
2.30 Quiet Hour
2.45 Ensayos Musicales
3.15 Cafe con Musica
3.30 Luz y Verdad
4.00 Musica di Banda
4.15 Ultimas Noticias
4.30 El Libro Infantil
5.30 Radio Kids Bible Club
4.45 Noticias Espanol
5.00 Jovies del Hogar
5.15 Palabranan di Bida
6.00 Ultimas Noticias
6.45 Nieuws in het Nederlands
7.00 Voor Zijn Glorie
7.15 On Wings of Song
7.30 Unshackled
8.00 World News
8.15 Off the Record
8.30 Back to the Bible
10.05 Klassieke Muziek
11.00 Sign Off
9.00 Musical Gems
9.30 Haven of Rest
10.00 World News

RADIO CARACAS TELEVISION

Viernes 2 de noviembre de 1962

8.55 Himno Nacional, presentación
8.57 Información sobre los programas del día
9.00 Carrusel
9.30 En el Jardín de Infancia
10.00 Senderos de luz
10.15 Cosas de mujeres
11.15 Cinco destinos
11.30 La perfecta ama de casa
12.00 La C.V.I. R. R. informa a la Nación
12.05 Su telenovela „Ahi es la gloria“
12.25 El show de Saumie
1.40 Se necesita una amiga
2.00 Punto y aparte
2.30 Club femenino
3.00 El estudio de Hector Monteverde
3.30 Verbena infantil
4.30 Aventuras de Popeye y Yoyo
5.00 Una pareja en apuros
5.15 La novela romantica (A cara y cruz)
5.30 Fuego, fe, juventud
6.00 El show de Henry
7.30 Mama es quien manda
8.00 El observador
8.15 La novela „El amor tiene otra cara“
8.30 La croneleca de los genes
9.00 La novela „El dios caido“
9.15 Julian Pacheco
10.45 En el umbral del misterio
11.00 Los cuatro hombres justos
11.30 Teatro de estrellas
10.30 Jovietas
12.00 Elly Queen
12.30 Información sobre los programas de mañana
12.40 Marcha oficial, Himno Nacional, despedida

DE VEER'S CHAIN THEATERS ta presenta:

THE WONDERFUL WORLD OF THE CIRCUS

Filmed by
the Greatest
Showman
Who Ever
Lived!

Cecil B. DeMille's THE GREATEST SHOW ON EARTH

TECHNICOLOR®

CECIL B. DEMILLE'S "THE GREATEST SHOW ON EARTH" starring BETTY HUTTON, CARMEL MACE, CHARLTON HESTON, DOROTHY LAMOND, GLORIA GRIFFITH, with many others. (See Page 10) Produced and Directed by Cecil B. DeMille. (TECHNICOLOR®) Produced with the cooperation of Republic, RKO, United Artists, and Paramount Pictures. Noted by the National Board of Fire Underwriters. Approved by the National Board of Fire Underwriters. Approved by the National Board of Fire Underwriters.

CHARLTON HESTON
the toughest boss-man of the Big Top!

JAMES STEWART as "Buttons",
the funniest clown of them all!

DE VEER

(ORANJESTAD)
pa 8.30 p.m.

diabierne 3 di nov.
diadomingo 4 di nov.
dialuna 5 di nov.

PRINCIPAL

(SAN NICOLAS)
pa 8 or p.m.

diadomingo 11 di nov.
dialuna 12 di nov.
diamars 13 di nov.

SAVANETA

(SAVANETA)
pa 8 or p.m.

diabierne 16 di nov.
diabierne 17 di nov.

AURORA

(SANTA CRUZ)
pa 8 or p.m.

diabierne 24 di nov.
diadomingo 25 di nov.

TA ADMITI MUCHA.

STACION DI TELEVISION PA ISRAEL

Familia Rothschild lo ofrece Israel
stacion di television pa desarolla en-
fianza. E gastonan lo ta por lo menos
un million dollar.

RIVERPLATE CONTRA JONG ARUBA AWE NOCHI

(Di nos redactor deportivo)

Cu su segundo compromiso di e si-
man aki, lo subi tereno di Wilhelmina-
stadion awe nochi e onena di River-
plate cu tin di enfrenta e veloz muchan-
nan di Jong Aruba. E onena di Noord
actualmente ta ocupando cu cuatro
punto na su nomber puesto number
cuatro entre e equiponan di hoofdklas-
se. Un puesto cu nos mester bisa ta
basta sorprendente si nos tene na con-
sideracion cu e equipo aki lo tabata
den A-klasse e anja aki si no ta pa e
cambio di reglamento cu A.V.B. a
haci. Jong Aruba a termina e ultimo
campeonato den ultimo puesto. Pero
nos mester menciona cu e equipo aki
ta hungando cu hopi entusiasmo y cu
intencion verdadero di keda mas halto
posibel den e tabla di posicion. Den

5 wega hunga nan tin dos victoria y
tres derrota.

Riverplate tin un punto menos, esta
tres, obteni door di un victoria y un
derrota den cuatro wega. Nan ultimo
partido hunga parcialmente dia Mars
anochi contra di Jong Aruba no a trece
un decision ya cu e arbitro a stop
e wega pa motibonan cu ya nos a re-
lata.

Dos equipo rapido y cu ta hunga ge-
neralmente cu hopi entusiasmo ta en-
frenta otro awe nochi. Iste ta haci cu
e encuentro por bira hopi interesante.

E YUDANZA PA INDIA

NIEUW DELHI — Di fuentenan bon
na altura nan ta informa cu India lo ri-
cibi material pa defensa den seru serca
Turquia. Nan ta calcula cu e material
aqui lo yega Nieuw Delhi prome cu e

entrega di armanan mericano, cu cual
nan lo cuminsa na fin di e siman aqui.


Polis na Nieuw Delhi ajera nochi a
pone oficialnan di partido comunista
y tiendanan chine bou di vigilancia des-
pues di demostracionnan di mas o me-
nos 400 estudiante durante cual nan a
kibra bordinan di propaganda y glas-
nan di e tiendanan chine.

LUCHA NA JEMEN

ADEN, 2 nov. — Radio di Jemen
a anuncia, cu durante cinco anja a
conseho revolucionario consistiendo di
18 miembro lo ehecuta e gobierno di
transicion. Despues dje periodo aki nan
lo eligi un president. Coronel Sallal,
cu actualmente ta prome minister y
comandante di ehecutivo, lo bira presi-
dent dje conseho, cu lo wordu forma
mitar pa oficialnan.

DICK TRACY

1. „Ami a bisanan cu no tin
ungun trailer aki, local ta
verdaderi. E donjo mester a bin
noske y hibe, mi a bisa.“ 2.
Despues mi a bisa Sonny cu
polisan mester di cierto pa-
pnan pa bin arriba di bo pro-
piedad y busca rond. Mi tabata
dine un les den asunto di
„Dick Tracy“. 3. „Well, efa kere cu bo
tabata gana e polisan.“ e
mama ta bisa. „Oh e mucha
boy! Na undu e ta?“ auntie ta
pontra. 4. „Ela bai trata na
algun gaviota pa cuminda,
e mama ta bisa.“




RIP KIRBY

1. Es anochi ey den casi-
no. „Bon nochi senjorita.“
„Bon nochi.“ 2. „Esei ta e
laven di kende mi a papia cu
bo. Bo hendenan ta cla?“ „Si,
Sr. Kirby.“ 3. „Nos ta buta
nos hendenan na mesa 21 na
tunda Desmond ta maneja e
carteran.“



CIGARIA ANTILLANA e cigar mas preferi

Cu filter y sin filter. Agente: J. H. (Yendi) Croes — Aurora Bar Tel. 1041.



pa cortesia di: Jan Bodegom en Co (Aruba) N.V. TEL. 1284-1402

agente exclusivo di FRIESCHE VLAG lechi evaporado y lechi en polvo. MAXWELL HOUSE KOFFIE



E FELICIDAD RENACI

pa: TUYUCHI

presenta pa cortesia di

HOLLANDSE BANKETBAKKERIJ

Oranjestad tel. 2798 — San Nicolas tel. 5478

E mehor adres pa Bolo y tur clase di pasa-boca.
Diariamente fresco.

— 13 —

„Esei absolutamente no t'asina stran-
jo ni particular. Tin hopi mas tantu
hende ta bini di luga mucho mas leu
cu Darmstadt.“

Brinkmann aparentemente tabata pen-
sa riba algo, pasobra e no a responde
inmediatamente. Anto el a bisa:

„Bo sa tambe mucho bon cu mi a
larga traha casnan pa mi personal? Lo
mester por ta posible pa bo hanja
un bon apartamentu?“

El a queda ta mira Brinkmann son-
riendo i a hanja diripiente e sentimen-
tu cu e mester a trata e hombre aqui
masha carinoso. Paquico..... esei e
mes no sa. I Eva tabata goza i hanja
masha simpatica di e hombre aqui cu
no obstante Brinkmann su numeroso
preocupacionnan, sin embargo e tabata
corda riba su bienestar tambe. I Eva
tabata sinti en realidad cu e tabata cea-
ca un bon amigu.

Diripiente e chauffeur mester a cohe
brake, pasobra un truck a quita riba
su man robes, sin lanta ningun sorto
di senjal. Door di esei Eva i Brink-
mann a sagudi terrible bai dilanti bini
plastras i e conversacion a ser interrup-
pi.

Na Bruchsal nan a baha pa bai almor-
za. Nan a tuma sientu na un mesa na
aire libre i na e ocasion aqui Brink-
mann a nustra cu e tabata un bon com-
panjero tambe i cu e tabata sabi di
combersa. Nan tabata combersa asina
dushi, cu a duel Eva en realidad ora
cu nan mester a lanta pa bai. El a
hanja en nan a queda combersa mu-
cho poco.

Antio Brinkmann a bisa e chauffeur:
„Lochmann, awor si mi ta quere
cu lo bo por manda un poco mas
diuro, pasobra nos a perde hopi tempo
cu asunto di comensu.“
I foi e momentu ei e chauffeur a

percura pa nan no baha bao di 140
kilometer.

Na Baden-Baden nan a baha trobe
i a bai den un die mehor hotelenan.
Eva a hanja un encanto di un cuarto
pa e sol loger i pa di prome bende
su hida e tabata sinti su mes un ber-
dadera dama.

Ora cu despues el a tuma parti na
e conferencia i discusionnan cu Brink-
mann tabata presid. Eva a reconoce
su chef como un hombre cu tabata
conoce quico ta camercio, pasobra e
tabata disenti i tabata sabi di vence su
partnernan practicamente riba tur ter-
no. I despues di discusionnan di mas
o menos tres ora e tabata sabi di a
hanja un pedida di millones foi e
hendenan aqui.

Anochi e mes hendenan aqui tabata
puessednan di Brinkmann. E tabata sali
bai soseper cu nan den un die mehor
localnan dje luga i Eva tambe tabata
comida. Eva apenas tabata risca di
respira den e ambiente strango pero
delicioso aqui. E tabata hanje sirbi na
waiterman tur bisti na smoking i taba-
ta papia cune cu respet na nomber di
senjora, di moda cu di confus e mester
a coloriza tin ora.

Den su traje de lo mas costoso i
decora Eva tabata en realidad masha
atractiva i ta p'esei e tabata sinti e bis-
tanan penetrante dje caballeronan diri-
gi riba dje. E tabata sinti cu nan
tabata admire. I aunque cu esaki ta-
bata hacie un poco inseguro di su
mes, e tabata haci su posible pa con-
serva un proceder digno i a logra na
contestar e miradanan aqui cu un son-
risa encantadora.

Facilmente e tabata contesta e pre-
guntanan dje senjoras den su compania
i a proba nan cu e tabata dispone di
un elegancia digno.

„B'a resisti e prueba di fuego na
un manera excelente“, su chef a elo-
gie, ora cu despues nan a regresa ho-
tel huntu. „Mi ta orgullosa riba bo.“

E compliment inespera aqui en reali-
dad a hacie Eva confus. E no tabata
sabi com mes e quier a expresa un pa-
labra di gratitud na su chef. Pero el
a sonrei na un manera asina amable,
cu e chef mester a queda ta pensa riba
esaki largu ratu ainda despues ora
cu e tabata den su cuarto. E tabata
deca su mes felicidad cu e decision
di a tuma e muchu muhe amable aqui
den su compania envez dje muhe an-
ciana i pleitista aya cu ta stru. Muller.
I el a dicide di trata pa den futuro
tambe e por sigui goza di e compania
agradable aqui.

Eva tambe a queda varios ratu lan-
ta riba su cama. Asina leu cu e por
recorda, esaki tabata e dia di mas
feliz cu e por a pasa den su bida du-
rante e tabata trahando na fabricanan
di Liebig.

De lo contrario na oficina di Frieda
Muller cos tabata bai sin gracia i mo-
notono i e tabata sinti su mes desagra-
dable, manera un hende cu su namo-
rado a bai largu sin gran motibu. Di
malo e bai. anciana tabata sinti riba
su stul i practicamente foi partida di
Eva cu Brinkmann srta. Muller no a
efectua ningun actividadnan mas.

Continuamente e tabata recorda riba
e traje asina bunita cu Eva tabatin
bisti dia cu el a parti cu su chef pa
estrangeria. E no por a larga di ripa-
ra cu qui alegria Eva tabata mira su
chef i Brinkmann mes tabatin un cara
asina alegre como si fuera ta riba
nan viaje matrimonial nan tabata bai

Mientras Frieda Muller tabata pro-
fundiza den pensamentunan di mas
fastioso, Harold Brinkmann (yiu di e
chef) a camna drenta sin bati na por-
ta. Manera semper el a saludu Muller
na su manera chistoso di eustimber.

„Bon dia, Muller. Ata mi anto aqui
trobe. Nos venerable anciano ta na
cas? Esei ta lastima, pero mi tin mester
di su ayudo. Bida ta caro, mi digna!
I sin embargo mi no ta haci exigen-
cianan altu.....“

„Esei ta un asunto com bo ta ob-
serva e caso, Sr. Brinkmann“, Frieda
a responde.

Apertamente e hoben no tabata tma
nota mes di e observacion aqui i
a continua:
„Bida ta bunita, Muller. Ta difisil
pa larga pasa tur e gozo i placernan
sin cu bo tuma parti den nan. Pero
esei ta costa placa tambe.“



Prinses Michiko, esposa di principe heredero Akihito di Hapon, a celebra den e dianan aki su 28 aniversario. Aki e ta pose dilanti fotografonan den hardin dje palacio imperial na Tokio durante un paseo cu su yiu homber chikito prins Hiro.

MERCA a reanuda bloqueada na Cuba despues di regreso di Oe Thant

Demas deliberacionnan cu Oe Thant lo no ser continua na Havana

WASHINGTON, 2 nov. — Casa Blanca a anuncia, cu ajera mainta na prome rayanan di solo a balbe sigui cu e bloqueada mericana rand di Cuba. Hefe di prensa di Casa Blanca, Salinger, cu a anuncia esaki, a bisa cu tambe nan la sigui cu e reanacimiento aereo dje basenan di raket na Cuba. Dialuna nan a stap cu e bloqueada di Cuba pa termina di dos dia, riba peticion di secretario general di Nacionnan Uni Oe Thant, cu a bishita Cuba den e dos dianan aki. Salinger na kier a bisa nada tacante e rasan- nan cu a conduci pa un tal decision.

Den circulacion di gobierno nan a bisa, cu e factor di mas importante ta cu nan no a yega di acuerdo na Cuba tocante aregionan eficaz pa vigilancia di Nacionnan Uni riba desmantelacion di basenan di raket. Salinger a bisa, cu dos bapor di Turquia a pasa den e ultimo dos dianan aki door dje cordon di bapornan Mericano, pa Cuba. E bapornan tabatin un carga di trigo abordo.

Salinger no a bisa ki ora nan lo reanuda reanacimiento aereo. Nan ta supone cu esaki lo mester tabata den curso di ayera.

Oe Thant na New York.

Secretario general interino di Nacionnan Uni a bisa na su yegada na New York, cu el a tende di fuente fidedigno, cu awe nan lo desmantela completamente e basenan Ruso di raket. El a bisa cu su conversacion cu prome minister Castro tabata masha util. Ya nan a cuminsa kibra e basenan di raket, y ora cu nan cuba, nan lo regresa embarcacion di nan pa Rusia.

Riba un peticion gobierno Cubano, a consenti pa manda hiba e cadaver dje piloto Mericano, cu nan a tira riba Cuba, pa Merca. Foi circulacion bon informa nan a tende, cu Castro a ripiti e condicionnan pa un acuerdo, cu el a scribi Diadomingo pasa den un carta. Entre e condicionnan aki tin e kitamentu dje bloqueada economico y tambe tur actividadnan ilegal y atakenan di pirateria, violacion dje espacio Cubano y awanan territorial y avacuacion dje base di flota, Guantanamo.

Segun e vocero, Castro a papia casi durante henter e reunion. Te ainda e deliberacionnan no a termina, segun Castro.

Castro kier desocupacion di Guantanamo

Dr. Fidel Castro, e prome minister Cubano, ta mantene su exigencia, cu e Mericanonan mester desocupa nan base Guantanamo na Cuba, como un parti dje arego dje kestion. Asina e emisora Cubano di radio a anuncia. Segun e radio Castro a duna e declaracion aki despues di su conferencia cu Oe Thant, secretario general di Nacionnan Uni, cu entre tanto a regresa New York. Prome minister Cubano, a papia na un reunion di estudiantes, nan mobilisa, na Havana. Den e transmision di radio nan no a bisa ningun palabra tocante e basenan Ruso di raket riba e isla.

E corant dje gobierno Ruso, Izvestia, a duna como su opinion, cu e desocupacion dje base Mericano Guantanamo ta un dje condicionnan pa seguridad dje isla.

E comentador Poljanof, a scribi, cu Union Sovietica ta apoya e recien declaracion di prome minister Castro, den cua esaki a stipula e medidanan, cu mester tuma pa proteha Cuba pa agrosion. Un dje medidanan aki ta desocupacion dje base Guantanamo.

Deliberacionnan na Cuba

Un vocero di Nacionnan Uni a declara, cu e entrevista entre secretario general interino di Nacionnan Uni, cu e gobierno Cubano, pa un arego pacifico dje kestion, lo wordu continua. Esaki lo no ta na Havana. Manera ta cu secretario general Oe Thant a regresa New York.

PROPOSICION CHECO TOCANTE CO-EXISTENCIA

NEW YORK, 2 nov. — Ayera Checo Slovakia a propone den comision juridico di Asamblea general di N.U. un proyecto di convenio pa co-existencia pacifico.

E proposicion, cu tin forma di un declaracion largu, tocante e principionan di derecho di pueblo tocante relacionnan amistoso cu Staten, ta contene entre otro, cu ta prohibi pa haci como di prome uso di armanan nuclear. Tambe nan a prohibi, pa amenaza cu violencia o usa violencia. Asina ta para den e declaracion di Checo Slovakia.



ARMA MERICANO PA INDIA

State Department na Washington ta di opinion, cu e situacion na e teritorio di frontera entre India y China, ta un causu, cu ta inclui Merca y tur su aliadonan.

Observadornan diplomatico, a bisa, cu e pronunciamiento aki ta pa kita e exigencia di Pakistan pa no entrega arma Mericano pa India.

NAN A TIRA RIBA BOTO HAPONES DI PISCADO

Den pacifico un bapor Ruso di piscado a tira riba un boto Hapones di piscado y a causele danjo. Asina e conseho Hapones pa seguridad riba laman a anuncia na Tokio. Nan no a duna mas informacionnan.

PLAN PA REFINERIA RUSO NA CUBA

MOSCU, 2 nov. — Segun un noticia di Tass a sali foi Leningrad un grupo di experionan Ruso di refinaderia pa Cuba, cu un plan pa construcion di un refinaderia di petroleo na Cuba. Autoridadnan Cubano lo mester aproba e plan aki. E refinaderia lo tin un capacidad di produccion di dos million ton di petroleo pa anja.

LUCHA NA JEMEN

AMMAN, 2 nov. — Segun radio Amman trupanen real a conquista despues di bringamentu fuerte na fortaleza Sirwa e forzanan revolucionario di guerra. A muri 400 militar di Egipto y revolucionarionan di Jemen.

E affaire „Der Spiegel” a ocasiona crisis den gabinete di Alemania

COPENHAGEN, 2 nov. — Den prensa Danes nan ta papia en conexion cu e asunto dje revista semanal „Der Spiegel”, tocante posibilidad di un crisis di gabinete na Alemania West, awor manera minister di Justicia di Alemania West a anuncia cu e demarcacion liber, Stauninger a pidi retiro.

E peticion di retiro aki, segun „Berlingsketende”, por tin como consecuencia, cu e sobra 4 ministernan dje partido di demarcacion liber, e partner di coalicion di e demarcacion cristian di partido democratico, lo retira tambe di nan puesto. E coalicion lo cai foi otro. Ta posibel cu Adenauer mes lo por restablece e gabinete atrobe.

Ta sospecha dos oficial

Nan a anuncia na Bonn, cu nan ta sospecha dos oficial altu dje Bundeswehr di Alemania West. Segun anuncio nan a duna e revista semanal „Der Spiegel” datonan secreto militar. E dos oficialnan aki ta den huisarrest.

Mas di 400 West-Berlines a demostra contra medidanan cu nan a tuma contra „Der Spiegel”. E oficina dje procurador general di Alemania West a anuncia, cu nan ta sospecha e revista aki, di a obtene e secretonan nacional di defensa door di pago. Nan a ricibi un keho di banda di NAVO, tocante un articulo largu, tocante e ejercicio- nan di NAVO „Fallex62”.

Nan a detene editor di Der Spiegel y tres otro colaborador dje revista.

REY HOESSEIN TOCANTE NASSER

AMMAN, 2 nov. — Rey Hoessein di Jordania, a insisti cerca pueblo di Egipto y exercito, pa lanta contra presidente Nasser y su sucesornan.

Segun radio Amman, cu a anuncia esaki, president Nasser, a nombra un tirano, den su niengiasion na Jemen, Irak y Siria. Mi ta confia, asina e rey a bisa, cu e heredero Arabiennan y Egiptianan lo pone un fin na despotismo y gobierno tiranico na Egipto.

DEMOSTRACION ANTI-COMUNISTA

NUEVA DELHI, 2 nov. — Demostrenan na Nueva Delhi a asalta ayera nochi e oficina dje partido comunista di India.

Segun testimonio ocular, nan a penetra den e edificio y a sali cu pamfletan, cu despues nan a pega na candela.

REPUBLICA DOMINICANA TA EXPULSA COMUNISTANAN

SAN DOMINGO, 2 nov. — Gobierno dje Republica Dominicana, a depota segun un declaracion cu nan a saca un lider dje movimientu democratico popular, Maximo Lopez Molina, y diez- dos otro mas.

E expulsadonan, ta Argentino, Cubano, Spanjo y Dominicano. Y nan ta yamanan agentenan comunista.

INUNDACION NA GRECIA

Nan a anuncia ayera mainta foi capital di Grecia, cu a muri 4 persona na inundacionnan cu a azota Grecia. E inundacionnan ta causa pa eida duru di awa ceru durante diarason.

VIAJE DI PRINCESA BEATRIX

KARATSJI, 2 nov. — Diarason anochi princesa Beatrix tabata huesped di honor, dje embahador Hulandes na Pakistan, jhr. Teixeira de Mattos, durante un diner, en el a duna den su villa pafu di Karatsji.

Den conversacion cu e representante- nan Hulandes di prensa, senior Dehla- vi, secretario di asuntunan di exterior a bisa, cu Pakistan ta preocupa dje entrega di armanan occidental na India.



Ta reina gran animacion na oficina di recrutacion na New Delhi, capital di India na unda diariamente hopi voluntarionan ta bai inscribi nan pa participacion na e lucha na territorio di frontera. Trupanen di China comunista tin hopi dia caba ta haci ataquenan caprichoso na postnan interesante na India.

BUCHI ROBEZ

presenta pa cartesia di: PIET'S SODA FOUNTAIN Tel. 2123

e mejor adres pa snacks, tur clase di dushi, softdrinks, ice-cream y revistas

STRIKE THE RIGHT NOTE!

ROMANCE BRA gives you comfortable uplift all day long. The front elastic band, circle stitched cups and princess styling make ROMANCE your favorite bra under daytime dresses.

VIVA does for the derriere what a bra does for the bustline. It's the answer to how to look trim in casual clothes. See „VIVA” under slacks and shorts.... you'll see youthful lines.... you'll get compliments!

BRASSALIERE 389: with flimsy cocktail-dresses and striking low-cut evening gowns you'll need all-over slimming with FORMFIT's Strapless Brassalier 389. Full length front zipper. Very low elastic back. Nylon lace in front, tiny waistline, high round bosom: a very special undergarment for a very special evening indeed!

Sing along with that wonderful FORMFIT feeling!

THE Formfit COMPANY

Aruba Trading Company

Oranjestad — San Nicolas

BO HOROSCOPO PERSONAL

ARIES 21 Maart — 20 April

Evita persona i situacionnan cu por ocasiona difi- cultadnan den bo vida.

Taurus 21 April — 20 Mei

Si bo trata na haci tur cos normal, tur aspecto- nan ta na bo ven- taje. Pone tino.

GEMINI 21 Mei — 20 Jun

Financiamiento bo no por iguala bo cu tur hende, pero trata na te- ne loque bo tin cuba.

LEO 23 Jun — 22 Augustu

Ora cu bo tin di haci algu inter- esante lo bo tin mester di hopi ayudo di otro- nan.

CANCER 21 Jun — 22 Jul

Bo ta dispone di hopi boluntad vi- talidad i energia; demonstra esaki na otro- nan tambe.

VIRGO 23 Augustu — 22 September

Lo bo tin un insistentia fuerte na placer i dibe- rionnan i nada no por stroba bo den bo camina.

LIBRA 23 September — 22 October

Bo sentencio awe no ta mucho corecto. Larga pa- labra na otro- nan awe. Esei t'e me- hor sistema.

SCORPIO 23 October — 22 November

Awe pone bon tino riba bo lon- ga: fren'e, pasobra lo por bruka papia al- gu pa perhudica bo.

„AGITARIUS” 23 November — 21 December

Esaki no ta e tempo adecuado pa pidi fabornan of tene discusio- nan interesante.

CAPRICORNUS 22 December — 19 Januari

E planeta Mars ta anima bo i ta haci bo particula- rmente agresivo na hopi ocasion.

ACUARIUS 20 Januari — 18 Februari

Sea prudente den relacion cu asuntunan cu por hinka bo den com- promiso o difi- cultadnan.

FISCES 19 Februari — 20 Maart

E anochi aki ta aparentemente ma- sha dibertido. Lo bo topa cu cono- cianan cu quer yuda bo.

THE BEST

FOR STRONG BONES AND TEETH

High in Phosphorus

QUAKER OATS